

## Essishuanuts Kaianimuant

Nishtam Provincial Aboriginal iskueuts aianimuenpant ute upipani ekuspe nta uinishkupishum 13-15, 2006.

Ume kaianimuanits tapants nishuatastatunu ashu petetat ishkieuts tatishipants nete eanish utipinipants assits, Innu, aiassimeu, micmac, mak metis mak eiapits eishinakushets nishkieuts utshipinipants. Mak tsheututshimashkueu katat Newfoundland mak Labrador eukun uin Joan Burke, Uin kautushkuat netamuk ishkuenua mak Tom Rideout uin kanaktuentak espinit shuneanu mak ishkuenua kauaitshiakanitshi mak tapan aiassimeshkueu Zippie Nochasak uin kamishte uauitshiat nenua ishkuenua nete kaitiusset nunatshavut utshimau kie innu utshimaushkueu Anastasia Qupee nete Sheshatshit kautshipant Innu assit.

Ume kaianimuanut ishinikatakanipan *mekamau nete minu inniun* mak ishiuapatakanipant nete tsheishi minu nipininukut ne iskueuts mak ishiuapatakanipant nete tsheishi minu nipininukut ne iskueuts mak nenua uikanishuaua mak nenua utassiuau. Ume kaishinikatets *minu inniun* uets meshkakanipan utatusseunit uin Kim Andersen kaishinikashut, mak nte neuetts ishinakutakupan tshetshi ashiskimau tepentamau, tsheshitanau, tshetutamau. Ume kaneu umukatshi tshekuana uets aianimuanut tsheuts tutamau mak ishinikatekuau.

- Mamu shutshitau nenu uaissishuneau
- Nash uishapinau
- Nash tsheueueshiunak kaitutenau mak mamu ueeshitanau tshetshi mishkutshipant

Shash uipats uitutakanipan nta pishumus epish epishiminiskueu uin niskueut mamuitupant tshekat petetastatinu tatina assina ute Newfoundland mak Labrador uin uauitamupant nenu tsheishinakutakanit tsheshi aianimuanut kie tshetshi ishinakutakanits.

Ume kaianimuanut kaueuestashet kauassiut mak katsheniuts miste atuskatumupant mak uin animitapants mak nenu tsheishi uapatats tsheissi shutshimikanits nenu aboriginal iskueuts ute mishiue tshitassinats. Pepemau auentshe etats tsheutshimau kaituskuat mak kaueuetishuets uishamakanipant tshetshi takushinits eiapits mamu kukuetshimitunanuts ne tshekuan uauitakant.

Uauitakanu tshekuan nash tsheapitik tshetshi shutshimakuk.

- Nishkieuts tshetshi uauitakuau nenu uauitshinikushitau.
- Uin Aboriginal niskueuts tshetshi uauitakuau nenu eshu uapatakuau tshekuanu mak tshetshi shutshimakant.
- Uinuau papeiuk iskueu takunu tshetshi nissishuet tshekuanu mak tshetshi petuakants
- Mamu uauitshitunanuts nash nenu uapetakuatak tshetakuau tsheutshimaua.

Ume kaianimuanut shash mishau tshekuan unuitakant nenu etentakuau Aboriginal niskueuts. Ume mishinekan kauauitakant tshekuan eukun ne ishiniunanut uipat,

kaiakushet kauaitakant tshekuan eukun ne ishiniunanut uipat, kaiakushet kauaitshikanit, eshi pimpiakanitshuneau emashikatunants eshi pimpiakanit kamakunushet eshi skutamashunanut kamakunushet, shiekutamashunanut, auentshe kauiskutamashuts, mitshuapa kanespenanuani, tsheishi apastakant shuneau mak kaiatusshets kapimpinitats ushuneamauu.

Ume kakuminu nakatuenitakant ane stiniunu mak steimunat, mak eshi kanauentamau tshekuan kaitshi iniunak eukun uuitamupants ne aboriginal niskueuts. Niskueuts tapue miste uuitamupants nenu uipats kaitentakushinits kaishiniut mak uishakutauts tshetshi esk kanuentakuau nete utassiuats mak tshetshi mamu uitshinitishutau.

Uaitakanu akushum etentakuak nenu stakunapun mak ntukuna kimesteapastakanuani mak auassits kainiuts eshinakutshits (FASD). Auassits kaestatushuts kie nenu auassa kauaitshiats.

Niskueuts eiapits uuitamupan nenu kamiste iakushinanua (cancer), miten akushun kie auentshe kemiste uinimishiutshi mak uauinakanipan niskueu ntuastukushuts, kauaitshiats nenu kamiste mishimenitamutshi, mak nenu kamitste iakushintshi auenuatshetshi takuau ute aboriginal niskueuts mak utenats.

Uaitakanipan eiapits tshetshi takuak nenu tsheutshimau ententussete nete aboriginal niskueuts tshetshi petakituats mak tshetshi etu mishat niskueu utatisseun nete tsheutshimau eshintussek mak tshe ettu tats niskueuts tshemiste entussek tsheutshimau entutussentshi.

Niskueu mak kapiuenimakant mak ne auass. Uaitakanipan niskueuts uaitamits essi mishants nenu epiuenimakants auen nte utatassiuats mak miste nukunipan stakunapun, mak nukunipan auen kaiatusset esk nukuats atusseun, passe auentshe neka ntatutuseuts kueste utenats, mak uaitakanu ne niskueu kaitishumu nutshikuakantshi apu tshekuanu takunit tshikaiemu put auenu tshekaitshinuku mak ntuentamuts tshetshi takunits nete utassiuats. Mak niskueu kamamuituts put kie kauuishiakanits tshekatakeenu eku patush niskueuts tshekaitshinukuts.

Miskueuts eiapits uuitamupan nenu auen kuueueshiakanua menakanakanitshi kashuka minupunua. Uiskueuts etentamuts tshetshi etu tats ne aboriginal innuts put kie auen uetshits utassiuats tshetshi minu uaitshiats nenu itinimaua. Mak etu takuau auentshe kaishi uaitamatsheshets.

Nenu ushitaku umishinanikanua tshetshi skutamuakanits uantutusetai put kie uaskutamashutai. Mak auentshe shuka kuish miste skutamashutshi ute tuenats Labrador. Miste uaitakanipan auassits kupunitshi tshetshi ettu skutamashuts, put kie tshetshi miste uaitshikanits auassits mak ne niskuessits.

Uaitakanipan eiaputs nautshuapa kanispinanuani ute nitassinats Labrador mak North West River and Juspe. Ne aboriginal niskueuts apipants nete kemitshetimanua nastesh ama shuka uaitshiakanuts nete aboriginal utassiuats.

Uitussenitakanue ne shuneau mak uaituasseanuts tan tshika ishisanu nete auentshe utassiuats. Niskueuts uaitamupan uapimpinitakau tshakuanu mak katshi tutakanu tshetshinue.

Uaiuitakanipan eiapits kashuka mitshetu niskueuts eatussets eukun tshitshue miste animinipan apu nash shuka mishau iskueu utatuseun nenu uipats ishinuit tshika ituntusseu nete utasits utuassima nete ustassits mak eiapits uaitakanipan niskueu ama shuka mishitau shuneau mak napeu essi etumishitat shuneau. Put auentshe niskueuts kapeikussets ama nispant shuneau.

Ne masten uaitakanipan ume aboriginal niskueuts nash uipetakutau ne essi shetau mak kaainementakununits mishiue. Ume kamamuituts niskueuts mamu uipetakutauts mishiue kauaitakuau tshakuanu mak nenu eshinakushitau mak etutuaskanits nete utassiuats mamu iputamuts mishute essishueamits.